



## SIARAN AKHBAR

S.A. 2020/12/87 (HQ)

### PELITAWANIS TNB RINGKANKAN BEBAN AWAL PERSEKOLAHAN

Seramai 50 murid sekolah rendah kebangsaan dari tujuh buah sekolah di Bandar Muadzam Shah, Pahang gembira apabila menerima sumbangan kelengkapan sekolah dari Tenaga Nasional Berhad (TNB) menerusi Persatuan Wanita TNB (PELITAWANIS TNB).

Sumbangan dua pasang pakaian seragam, sepasang kasut, beg sekolah, botol air, tuala muka dan wang saku itu disalurkan melalui program Back to School 3.0, anjuran PELITAWANIS TNB Kebangsaan dan PELITAWANIS TNB Cawangan Muadzam Shah.

Yang DiPertua PELITAWANIS TNB Kebangsaan, Datin Seri Aidah Abu menjelaskan, sumbangan ini bertujuan meringankan beban para ibu bapa membuat persiapan menjelang persekolahan tahun depan, terutamanya dalam kalangan keluarga B40 yang turut terkesan lantaran penularan COVID-19.

“Usaha kami ini adalah selari dengan aspirasi TNB sendiri yang tidak pernah mengabaikan tanggungjawab sosialnya,” katanya yang juga isteri kepada Presiden/Ketua Pegawai Eksekutif TNB, Datuk Seri Amir Hamzah Azizan.

PELITAWANIS TNB adalah persatuan wanita yang dianggotai seramai 6,900 ahli terdiri daripada warga kerja wanita dan pesara wanita TNB, selain isteri serta balu kepada warga kerja lelaki TNB.

Majlis penyerahan di Dewan Milenium Lestari UNITEN Muadzam itu turut dihadiri Datuk Seri Amir Hamzah Azizan; Naib Canselor UNITEN, Prof Dato Ir. Dr Kamal Nasharuddin Mustapha dan barisan kepimpinan PELITAWANIS TNB.

**Dikeluarkan di Kuala Lumpur pada 26 Disember 2020, jam 4:00 petang**  
*Untuk pertanyaan lanjut media, sila hubungi Fitri Majid di talian 013-3626923 /  
Grace Tan di talian 016-6626229 / Nasir Aziz di talian 018-9434524  
atau emel ke [media@tnb.com.my](mailto:media@tnb.com.my)*



Yang DiPertua PELITAWANIS TNB Kebangsaan, Datin Seri Aidah Abu (tiga, kiri) menyampaikan sumbangan kelengkapan sekolah kepada dua orang wakil murid sekolah rendah kebangsaan dari tujuh buah sekolah di Bandar Muadzam Shah, Pahang, baru-baru ini.

Turut hadir semasa penyerahan, Presiden dan Ketua Pegawai Eksekutif TNB, Datuk Seri Amir Hamzah Azizan (empat, kanan), Naib Canselor UNITEN, Prof Dato Ir. Dr Kamal Nasharuddin Mustapha (tiga, kanan) dan pemimpin-pemimpin PELITAWANIS TNB.